

Nuwe Lied Bediening

En Hy het 'n nuwe lied in my mond gegee, 'n lofsang tot eer van onse Elohiem (Ps. 40:4)

E-pos: kontak@nuwelied.info
Webwerf: <http://www.nuwelied.info>

Parashah 30: *K'doshim* (קדושים) – Afgesonderde (Heilige) Volk

יהוה *het met Moshe gepraat en gesê: "Praat met die hele vergadering van die kinders van Yisra'el en sê vir hulle: 'Julle moet afgesonderd wees, want Ek, יהוה, julle God, is Afgesonderd. Lev. 19:1 en 2 – PWL¹.*

Torah: Lev. 19:1 tot 20:27

Haftorah: Amos 9:7 tot 15 en Eseg. 20:2 tot 20

Hernieuwe Verbond: Matt. 5:33 tot 37 en 43 tot 48; Matt. 15:1 tot 11; Matt. 19:16 tot 30; Matt. 22:33 tot 40; Mark. 7:1 tot 23; Mark. 12: 28 tot 34; Luk. 10:25 tot 39; Rom.13:8 tot 10; Gal. 5:13 tot 26; Jak. 2:1 tot 9; 1 Petr.1:13 tot 21.

Hierdie notas is aanvullend tot die vorige notas vir Parashah 30 wat afgelaai kan word by: [Parashah30Notas14](#) of deur dit aan te vra by kontak@nuwelied.info.

Give me one hundred preachers who fear nothing but sin and desire nothing but God, and I care not whether they be clergymen or laymen, they alone will shake the gates of Hell and set up the kingdom of Heaven upon Earth – John Wesley.

God did not save us to make us happy, He saved us to make us holy – Jerry Benjamin.

A true love of God must begin with a delight in his holiness – Jonathan Edwards

Midrash (Torah Bespreking)

Die derde boek van Torah, naamlik Levitikus (*Vayikra*) kan opgesom word as YHVH se onderrig en instruksies in geregtigheid, naamlik hoe om daagliks te lewe op 'n wyse sodat YHVH se Gemanifesteerde Teenwoordigheid voortdurend in ons midde kan woon en ons YHVH se seëninge deelagting kan wees! Levitikus is die onderrig in heiligmaking – hoe om uitgeroep en afgesonderd vir YHVH as 'n koninklike priesterdom in hierdie wêreld te lewe! Daarom begin hierdie week se Torahskriflesing met YHVH se opdrag: *Julle moet afgesonderd (heilig) wees, want Ek, יהוה, julle God, is Afgesonderd (Heilig)*. Hierdie is die hart van Levitikus!

Om afgesonder (heilig) te wees, en as afgesonderdes (heiliges) te lewe, is dus 'n duidelike opdrag van die ou verbond. Daarom word hierdie opdrag telkens in die Torah herhaal, soos byvoorbeeld in Lev. 20:7 en 26 (PWL) van hierdie week se parashah:

Sonder julleself af en wees afgesonderd, want Ek is יהוה, julle God

¹ PWL Vertaling (Pad van Waarheid tot die Lewe) kan gratis afgelaai word by www.padwlewe.ch

Julle moet afgesonder wees tot My, want Ek, יהוה, is afgesonderd en Ek het julle van die volke af afgesonder om Myne te wees.

Is hierdie opdrag ook van toepassing vir die gelowige van die hernieuwe verbond? Die antwoord is 'n besliste 'Ja', want ons lees in die eerste algemene brief van Petrus die volgende:

Daarom, bind die heupe van julle verstand vas, wees volkome waaksaam en verwag die onverdiende guns wat julle deel word by die openbaring van Yeshua, Die Gesalfde Een, soos gehoorsame kinders en moenie weer deel kry aan julle vorige begeertes wat julle sonder kennis begeer het nie, maar wees afgesonderdes in al julle lewenswyses, soos wat Hy wat julle geroep het, afgesonderd is, omdat daar geskrywe is: "Wees afgesonderd, soos Ek afgesonderd is." 1 Pet. 1:13 tot 16 – PWL

Petrus brei dan hierop uit en skryf verder:

Julle word net so as lewende stene opgebou en julle het 'n geestelike tempel en afgesonderde priesters geword, om geestelike offers te bring wat vir God aanvaarbaar is deur Yeshua, Die Gesalfde Een. 1 Pet. 2:5 – PWL

Julle is 'n gekose nasie, om te dien as priesters in die Koninkryk, 'n afgesonderde volk, bymekaargemaak en bevry, om die lofprysing van Hom, wat julle uit die duisternis geroep het, te verkondig tot Sy wonderlike lig. 1 Pet. 2:9 – PWL

Open 5: 8 tot 10 bevestig dat YHVH van Sy volk vereis om 'n afgesonderde (heilig) koninklike priesterdom te wees. Dit was die opdrag aan die begin en dit steeds die opdrag vir vandag en sal tot aan die einde van dae die opdrag wees!

In die Afrikaanse en Engelse vertalings van die Skrifte word die woord *heilig* (*holy*) en nie *afgesonder* gebruik: *Wees heilig, want Ek is heilig*. Dit is egter belangrik om die betekenis van die Hebreeus vir *heilig*, naamlik *kadosh*, te verstaan.

Heilig beteken om seremoniël en moreel rein te wees en om toegewy en afgesonder vir 'n bepaalde doel te wees.

In Engels beteken dit: *to be consecrated and set apart*.

Consecration means distancing oneself from customs that are practiced by people that are far from HaShem and to be actively following Him in obedience to His commandments –
Ketriel Blad.

As koninklike priesterdom is ons dus deur YHVH uitgeroep en afgesonder tot 'n lewe van toegewyde liefde vir ons Vader en Sy Torah. Afgesonder (heilig) beteken gehoorsaamheid aan Torah!

Eerstens moet ons besef dat YHVH ons nie 'n opdrag sal gee wat nie menslik haalbaar is nie. Derhalwe is dit belangrik om te verstaan wat dit beteken as YHVH sê dat Hy heilig is. Indien ons dit verstaan, kan ons YHVH navolg om te wees soos Hy is.

Die vraag is dus: Is YHVH afgeskei en afgesonder van die wêreld? Die antwoord is: Nee!! YHVH is Alomteenwoordig! Hy is teenwoordig in elke aspek en faset van hierdie wêreld wat Hy geskape het. Hy is Alomteenwoordig in die negatiewe en die positiewe. Ongeag wat gebeur is YHVH egter dieselfde – gister, vandag en tot in ewigheid. Hy is die Onveranderbare! Sy Karakter en Outorieit verander nie. Sy Torah bly staande te midde van alles wat in die wêreld gebeur! Hy word nie aan bande gelê deur dit wat gebeur nie. YHVH

se Karakter en Outoriteit, soos in Torah uiteengesit word, bly onveranderd en sal uiteindelik in elke aspek en faset van hierdie wêreld geld en toegepas word. YHVH is teenwoordig in alles, maar Hy bly onveranderd. Dit is die betekenis van afgesonder (heilig).

Daarom wil YHVH nie hê dat ons afgesonder (geskei) van hierdie wêreld moet leef nie. Hy verwag nie van ons om onself te isoleer en nie met die wêreldse dinge in aanraking te kom nie. Nee, YHVH wil hê dat ons elkeen so ‘deurdrenk’ van Sy Torah moet word dat dit wat in die wêreld gebeur ons nie sal laat verander of sal laat struikel nie. Te midde van ‘n vervalde samelewing kan ons nie anders as om daarmee in aanraking te kom nie, maar ons mag nooit deel daarvan word nie!

Moenie die wêreld liefhê of die dinge wat in die wêreld is nie. As iemand die wêreld liefhet, dan is die liefde van die Vader nie in hom nie. Want alles wat in die wêreld is – die begeerlikheid van die vlees en die begeerlikheid van die oë en die grootsheid van die lewe – is nie uit die Vader nie, maar is uit die wêreld. 1 Joh. 2:15 en 16.

Ons moet YHVH se Torah in hierdie wêreld wees! Sy Torah moet nie net ons eie lewens beïnvloed en verander om gelykvormig aan Yeshua te word nie, maar ook die van ons geliefdes en van die omgewing waarmee ons in aanraking kom. Dit is om afgesonder te wees soos wat YHVH afgesonder is.

Mark Huey (www.outreachisrael.net) skryf in sy notas ten opsigte van parashot *Acherei-Mot-Kedoshim* die volgende:

It is undeniable from any reading of the Gospels, that Yeshua the Messiah was a consistent advocate of holiness – and required it of all His followers. Frequently in His teachings, Yeshua refers to verses that are found in Acharei Mot-Kedoshim, exhorting His Disciples to pursue holiness in their lives, making a concentrated difference in the world around them. However, far beyond simply keeping one’s vows (Matthew 5:33-37), controlling the tongue (Matthew 15:1-11), or honoring parents (Matthew 15:4-6) – is the often-repeated emphasis to love one’s neighbor as yourself. Yeshua by no means just invented this axiom as some of today’s Christians might think; He appealed directed to the authority of the Torah.

Bepins of Bespreek

1. Yeshua het gesê dat as ons Hom sien, dan sien ons ook die Vader (Joh. 14:9). Nou weet ons dat Yeshua die Woord (die Torah) van YHVH is wat vlees geword het (Joh. 1:1). Daarom weet ons hoe afgesonder (heilig) ‘lyk’ wanneer ons na YHVH se Torah ‘kyk’. Vader-God toon Homself as die Heilige – Die Afgesonderde – van Israel deur Sy Torah. Om dus heilig te wees soos YHVH heilig is, is om te dink, te praat en te doen wat Torah ons leer! Luister wat sê Paulus aangaande die Torah:

Dus is die wet heilig en die gebod is heilig en regverdig en goed. Rom. 7:12

2. *We live in a day where we are more afraid of holiness than we are of sinfulness – L. Ravenhill.*

Lev. 19:3 – Vrees jou Vader en Jou Moeder

Elkeen moet sy moeder en sy vader respekvol vrees en My Shabbatte hou. Ek is יהוה, julle Magtige God. Lev. 19:3 – PWL.

Eer jou vader en jou moeder sodat jou dae verleng mag word in die land wat יהוה, jou God, aan jou gee. Ex. 20:12 – PWL.

In Ex. 20:12 is die opdrag om vader en moeder **te eer**, maar in Lev. 19:3 is die opdrag om moeder en vader **te vrees**. Hoekom dan hierdie verskil? Waarom word die volgorde van vader en moeder in hierdie teksverse omgeruil? En waarom word *en My Shabbatte hou* as te ware in dieselfde asem in Lev. 19:3 genoem?

Ons weet dat wanneer ons hierdie verskille in Torah teenkom, dan is daar ‘n geheimenis en ‘n belangrike waarheid verskuil wat ons moet ontdek.

Laat ons dan eerstens kyk na die verskil in betekenis van die woord *eer* en *vrees*.

Die Hebreeus vir *eer* is *kavad* wat ‘n postiewe en negatiewe betekenis het. Die negatiewe betekenis is *drukkend of beswarend*, terwyl die positiewe is *ryk, welgesteld en eerbaar*.

Die Hebreeus vir *vrees* is *yare* en beteken *eerbiedig, vereer en hoogag*. Dit is om respekvolle vrees vir ouers te hê. Net so moet ons ook respekvolle vrees (respevolle eerbied) vir YHVH hê!

Om ons ouers te eer is om in hulle materiële behoeftes te voorsien soos wat Yeshua die skrifgeleerdes en die Fariseërs geantwoord het:

Maar Hy antwoord en sê vir hulle: Waarom oortree julle ook die gebod van God ter wille van julle oorlewering? Want God het bevel gegee en gesê: Eer jou vader en moeder; en: Hy wat vader of moeder vloek, moet sekerlik sterwe. Maar julle sê: Elkeen wat aan vader of moeder sê: enige voordeel wat u van my sou kan geniet, is ‘n offergawe—dié hoef sy vader of sy moeder glad nie te eer nie. So het julle dan die gebod van God kragteloos gemaak ter wille van julle oorlewering. Matt. 15:3 tot 6.

Hiervolgens is dit duidelik dat kinders hulle ouers eer deur hulle finansiël te ondersteun. Maar om ouers te eer beteken ook om hulle gehoorsaam te wees ten opsigte van alle opdragte wat ooreenstem met YHVH se onderrig en instruksies.

Kinders, gehoorsaam jul ouers in eenheid met ons Meester, want dit is reg. Hierdie is die eerste opdrag met ‘n belofte: “Eer en respekteer jou vader en jou moeder sodat dit met jou goed mag gaan en jou lewe lank mag wees op die aarde.” Efes. 6:1 tot 3 – PWL.

Te alle tye, en onder alle omstandighede, moet ouers en kinders in alles aan YHVH-God gehoorsaam wees!

Maar wat is die betekenis van respekvolle vrees soos dit in Lev. 19:3 geskryf is? Hier, anders as in Ex. 20:12, word die moeder eerste genoem en dan die vader. Beteken dit dat die moeder meer as die vader gevrees moet word?

Die volgende is moontlike verklarings: Eerstens is dit ‘n feit dat ‘n kind eerder die vader respekvol sal vrees vanweë ‘n man se inherente karakter (hoedanighede) as die gesagsfiguur. ‘n Kind sal makliker die sagmoedigheid van die moeder uitbuit. Daarom is kinders geneig om meer respekvolle vrees vir die vader as die moeder te hê. Die rede hoekom die moeder eerste in Lev. 19:3 genoem word, is as herinnering dat beide ouers eweveel respekvolle vrees betoon moet word!

Maar ons sien ook in Lev. 19:3 die geheimenis van die volgorde van respekvolle vrees in ‘n kind se lewe, naamlik: Moeder, vader en dan YHVH. As suigeling sal ‘n kind eerstens

respekvolle vrees vir die moeder se gesag ontwikkel omrede sy die meeste tyd saam met haar kind bestee. Later sal die kind respekvolle vrees vir die vader se gesag hê en dan is dit die taak van beide ouers om die kind te leer om respekvolle eerbied vir YHVH te hê.

In die suigeling se lewe en jong kinderdae is YHVH se gesagsorde omgekeer, naamlik: moeder, vader, YHVH. Maar in die ouerhuis moet die kind uiteindelik YHVH se gesagsorde leer en eerbiedig, naamlik YHVH, vader, moeder. Die ouers moet deur onderrig, en by wyse van die voorbeeld wat hulle stel, hierdie gesagsorde by die kind vestig.

Let ook daarop dat die Hebreuse woord vir *elkeen* in Heb. 19:3 is *eesh* en verwys na 'n manlike persoon. Dit beteken dat die man 'n groter verantwoordelikheid as 'n getroude vrou het om sy ouers respekvol te vrees. Onthou: Die getroude vrou staan nie meer onder die gesag van haar aardse vader nie, maar onder die gesag van haar man soos wat Paulus dit in 1 Kor. 11:3 bevestig:

...maar ek wil hê dat julle moet weet dat Die Gesalfde Een die hoof is van elke man en die man is die hoof van die vrou en God is die hoof van Die Gesalfde Een (PWL).

Laastens bevestig Lev. 19:3 YHVH se gesagorde en die aanvaarding daarvan by wyse van die Shabbatsgebod: *...en My Shabbatte hou. Ek is יהוה, julle Magtige God.* Die bevestiging dat YHVH se gesagorde aanvaar en geleef word, is gehoorsaamheid aan YHVH se onderrig en instruksies, naamlik Torah. Soos Yeshua self gesê het:

Wie ook al My opdragte het en hulle uitvoer, dit is hy wat My liefhet en wie My liefhet, hóm sal My Vader liefhê en Ek sal hom liefhê en My aan hom openbaar.” Yeshua antwoord en sê vir hom: “As iemand My liefhet, sal hy My boodskap gehoorsaam en My Vader sal hom liefhê en Ons sal na hom toe kom en by hom blyplek maak. Hy wat My nie liefhet nie, gehoorsaam nie My boodskappe nie en hierdie boodskap wat julle hoor, is nie Myne nie, maar is van die Vader af wat My gestuur het. Joh. 14:21, 23 en 24.

Die belangrikste bewys dat vader, moeder en kinders onder die gesag van YHVH staan en met liefdevolle vrywilligheid daarvolgens lewe, is deur die Shabbat te gedenk en dit te heilig (af te sonder).

Bepeins of Bespreek

1. Matt. 15:3 tot 6 is bevestiging dat die Fariseërs reeds in die tyd van Yeshua tot YHVH se Torah toegevoeg het en weggeneem het. Albert Barnes (Albert Barnes' Notes on the Bible) lewer die volgende kommentaar oor hierdie teksverse en behoort as waarkuwing vir ons te dien:

***Transgress the tradition of the elders** - The world “elders” literally means “old men.” Here it means the “ancients,” or their “ancestors.” The “tradition of the elders” meant something handed down from one to another by memory; some precept or custom not commanded in the written law, but which scribes and Pharisees held themselves bound to observe. They supposed that when Moses was on Mount Sinai two sets of laws were delivered to him: one, they said, was recorded, and is that contained in the Old Testament; the other was handed down from father to son, and kept uncorrupted to their day. They believed that Moses, before he died, delivered this law to Joshua; he to the Judges; they to the prophets; so that it was kept pure until it was recorded in the Talmuds. In these books these pretended laws are now contained. They are exceedingly numerous and very trifling. They are, however, regarded by the Jews as more important than either Moses or the prophets.*

2. In die lig van bogenoemde word die betekenis van Matt. 5:17 tot 20 ook duideliker, naamlik dat Yeshua nie gekom het om die wet (Torah) tot niet te maak nie, maar om dit te bevestig en te bekragtig. Verwys Deut. 4:2 en Open. 22:19.
3. Is een van die groot probleme van ons samelewing nie juis die feit dat kinders nie ware begrip van YHVH se gesagstruktuur het nie omrede daar so baie enkelouergesinne is? En dan is daar ook gesinne waar die vader se beroep en buitemuurse aktiwiteite van hom 'n vader in absentia maak.

-o-o-o-o-o-o-o-o-

Ontvang YHVH se Woord met welwillendheid, maar ondersoek self die Skrifte of hierdie dinge die waarheid is (Hand. 17:11).

Shabbat Shalom.
Johan.

Epos: kontak@nuwelielied.info
Webwerf: <http://www.nuwelielied.info>

Kopieë mag gemaak en gratis versprei word, maar mag nie verkoop word nie. Geen veranderinge mag aan die oorspronklike teks aangebring word en dit dan onder die naam van Nuwe Lied Bediening versprei nie.